

**■ TRIBUNA POLITICA**

# Contracts internaziunals avant il pievel – ma na per tut pretsch

DA MARTIN CANDINAS,  
CUSSEGLIER NAZIUNAL

**I**na giada dapli s'occupa la Auns (Aktion für eine unabhängige und neutrale Schweiz), resp. la pps dad in da ses temas preferids: ils dretgs dal pievel.

**Q**uels duajan – uschia vegn pretendì – vegnir schlargiads anc dapli. Quai tuna bain, ma tge munta igl en detag? L'iniziativa inoltrada pretenda dad ina vart che cunvegna che vulan en emprima lingua cuntanscher ina unificaziun giuridica multiculturala, secundo ch'obligheschan la Svizra da surpigliar sin impurtants champs futuras determinaziuns giuridicas, terzo contracts che surlaschan competenzas da dretg en divers secturs ad instituziuns da l'exteriur u internaziunales e ch'effectueschan expensas unicas dapli ch'ina milliarda francs u talas che serepetan per dapli che 100 milliuns sajan automaticamain da suttemetter a la votaziun dal pievel.

**A**ccetar l'iniziativa Amuntass in cler schlargiamment dal referendum obligatori. Oz è ina votaziun dal pievel davart contracts internaziunals pli



necessaria sunter in referendum facultativ (tras rimnar 50 000 sottascripziuns entaifer 100 dis). Sche l'iniziativa da l'Auns vegniss acceptada, fiss ina votaziun necessaria praticamain tar mintga cunvegna statale. Mo i n'è tuttina betg dal tut cler tge competenzas da dretg che valan vairamain sin champs impurtants. Quai na pon sez ils iniziants betg dir en mintga cas.

**L**a dumonda centrala è Lin'otra: Quants dretgs dal pievel dovra noss pajais? Dapi l'introducziun dal referendum facultativ 1867 – ed atgnamain gia dapi ch'ins ha realisà il referendum costituzional 1848 – èn ils dretgs dal pievel adina vegnids extendids. Ed ussa duessan contracts internaziunals: sco far

part dal «protocol davart auas e sanadad tenor la cunvegna da 1992 per proteger e nizzegiar flums sur cunfins e lais internaziunals», u concernent «la cunvegnientscha pertutgant proteger plantas e midadas da trair sorts» e da «la lescha da patents» vegnir suttemess al referendum obligatori.

**P**er mai va quai memia lunsch. Gia oz pon ins suttemetter al pievel tals contracts senza problems cun il referendum facultativ. Lantschar il referendum facultativ n'è per ina partida sco la pps u l'organisaziun Auns nagin problem. Gia partidas giuvnas pon realisar il referendum. Igl è era d'avantatg per il pajataglia ch'i dettia ina tscherta limita per pudair sfurzar atras ina votaziun dal pievel. Quella n'è betg gratuita. Ed anc pli impurtant: La credibilitad da la democrazia directa na s'augmenta betg sch'ins vul trair tras votaziuns fin a l'excess. Ils dretgs dal pievel servan a legitimar decisiuns dal parlament u, sch'igl è necessari, a las curreger. Mo sco instrument electoral u per calmar n'èn els betg creads. Perquai merita questa iniziativa in na da tutta forza.